

**Ахборот-коммуникация технологияларини ривожлантириш жамғармасида
2023 йилда коррупцияга қарши курашиш тизимининг амал қилиши ҳақида
УМУМИЙ ҲИСОБОТ**

I. Ахборот-коммуникация технологияларини ривожлантириш жамғармаси (кейинги ўринларда – Жамғарма) Коррупцияга қарши чора-тадбирлар дастури бажарилгани тўғрисида умумий ахборот

Жамғарманинг 2021 йил 29 декабрдаги 31-сон буйруғи билан Коррупцияга қарши ички назорат тузилмаси фаолияти йўлга қўйилган.

Жамғармада коррупцион хавф-хатарлар ҳақида хабар бериш учун 5 та алоқа каналлари яратилиб, доимий фаолият юритилиши йўлга қўйилган.

Жамғарма фаолиятига оид молиявий ҳисоботлар ва молиявий кўрсаткичлари доимий равишда Жамғарманинг расмий веб-сайтида жойлаштирилиб, очиқлиги таъминланиб келмоқда.

Жамғарма фаолиятига оид хўжалик шартномалари “Давлат харидлари тўғрисида”ги Ўзбекистон Республикаси Қонунида белгиланган тартиб-таомиллар асосида амалга оширилиб, шартномалар махсус порталга жойлатилиб келинмоқда.

Шунингдек, амалдаги қонунчилик ҳужжатлари ҳамда янги қабул қилинган норматив-ҳуқуқий ҳужжатларнинг мазмун моҳиятини тушунтириш юзасидан тарғибот тадбирлари ўтказилиб, ходимлар эътиборига етказилиб келинмоқда.

II. Сиёсат ва тартиб-таомиллар

Жамғармада коррупцияга қарши соҳасига тааллуқли бўлган қуйидаги ички идоравий ҳужжатлар тасдиқланган:

а) 2020 йил 22 декабрдаги 43-сон буйруқ билан:

Ахборот-коммуникация технологияларини ривожлантириш жамғармасининг коррупцияга оид ҳаракатлар тўғрисида алоқа каналлари орқали келиб тушган хабарларни қабул қилиш регламенти;

б) 2021 йил 29 декабрдаги 31-сон буйруқ билан:

Ахборот-коммуникация технологияларини ривожлантириш жамғармасининг Коррупцияга қарши ички назорат тузилмаси фаолияти тўғрисидаги низом;

Ахборот-коммуникация технологияларини ривожлантириш жамғармасининг коррупцияга қарши курашиш бўйича сиёсати;

Ахборот-коммуникация технологияларини ривожлантириш жамғармасида коррупциявий хавф-хатарларни баҳолаш услубиёти;

Ахборот-коммуникация технологияларини ривожлантириш жамғармасида манфаатлар тўқнашувини бошқариш бўйича низом;

Ахборот-коммуникация технологияларини ривожлантириш жамғармаси ходимларининг этика ва коррупцияга қарши курашиш соҳасида ўқитилишини ташкил қилиш бўйича йўриқнома;

Ахборот-коммуникация технологияларини ривожлантириш жамғармасида контрагентларни текширишга оид йўриқнома;

Ахборот-коммуникация технологияларини ривожлантириш жамғармасига ишга қабул қилинаётган номзодларни текшириш бўйича йўриқнома;

Ахборот-коммуникация технологияларини ривожлантириш жамғармасида Коррупцияга қарши тартиб-таомилларнинг самарадорлигини мониторинг ва назорат қилиш услубиёти;

Ахборот-коммуникация технологияларини ривожлантириш жамғармасида коррупцияга қарши кураш тизимининг ҳолати тўғрисидаги ҳисоботни шакллантириш ва тақдим этиш бўйича низом;

Ахборот-коммуникация технологияларини ривожлантириш жамғармаси ходимларининг коррупциявий хатти-ҳаракатлари ва одоб-ахлоқ қоидаларини бузиш ҳолатлари устидан хизмат текширувлари ўтказиш бўйича регламент;

с) 2022 йил 22 декабрдаги 34-сон буйруқ билан:

Ахборот-коммуникация технологияларини ривожлантириш жамғармаси ходимларининг одоб-ахлоқ қоидалари;

Ахборот-коммуникация технологияларини ривожлантириш жамғармаси Одоб-ахлоқ комиссияси тўғрисидаги низом;

Ахборот-коммуникация технологияларини ривожлантириш жамғармасининг Одоб-ахлоқ комиссияси таркиби;

Ахборот-коммуникация технологияларини ривожлантириш жамғармасида давлат харидларини амалга ошириш билан боғлиқ тартиб-таомилларни ташкил этиш ва ўтказиш тартиби тўғрисидаги низом тасдиқланган.

Шунингдек, 2022 йил 27 декабрда Ахборот-коммуникация технологияларини ривожлантириш жамғармасида коррупцияга оид ҳуқуқбузарликларни содир этишга ундаш ҳолатлари ҳақида хабар бериш, уларни рўйхатга олиш, кўриб чиқиш ҳамда уларга қарши курашишда ходимларнинг фаол иштироки учун рағбатлантириш тўғрисидаги тартиб тасдиқланган.

III. Хавф-хатарларни баҳолаш

Давлат ҳокимияти ва бошқаруви органлари, шу жумладан уларнинг ҳудудий бўлинмалари, давлат унитар корхоналари ва муассасалари, давлат улуши 50 фоиздан юқори ташкилотлар фаолиятида коррупциявий хавф-хатарларни аниқлаш ва баҳолаш услубиётига асосан Жамғармада коррупцион хавф-хатарларни баҳолаш ўтказилган.

IV. Амалга ошириладиган коррупцияга қарши курашиш тартиб-таомиллар

Манфаатлар тўқнашувини тартибга солиш

Ахборот-коммуникация технологияларини ривожлантириш жамғармасининг 2021 йил 29 декабрдаги 31-сон буйруқ билан “Ахборот-коммуникация технологияларини ривожлантириш жамғармасида манфаатлар тўқнашувини бошқариш бўйича” низом тасдиқланган.

Ахборот-коммуникация технологияларини ривожлантириш жамғармасида 2023 йил давомида чорагида ходимлар томонидан манфаатлар тўқнашуви бўйича декларациялар топширилган ва манфаатлар тўқнашуви ҳолатлари аниқланмаган. Шунингдек, манфаатлар тўқнашуви бўйича мурожаатлар келиб тушмаган.

Коррупцияга қарши қоидаларни Ташкилот шарномаларига киритиш

Жамғарма фаолиятига оид хўжалик шартномалари давлат харидлари махсус портали орқали амалга амалга оширилиб, ғолиблар билан намунавий типдаги шартномалар тузилган.

Тўғрисида-тўғри тузилган шартномаларда коррупцияга қарши курашишига оид қоидалар киритилган. Ушбу қоидалар контрагентлар томонидан рад этилмаган ҳамда коррупцияга оид сабаблар билан шартномалар бекор қилинмаган.

Ходимлар билан тузилган меҳнат шартномаларига коррупцияга қарши қоидалар киритилган.

Контрагентларни текшириш

2023 йилда Ахборот-коммуникация технологияларни ривожлантириш жамғармаси фаолиятига оид тузилган 28 та хўжалик шартномалари бўйича давлат харидлари махсус порталидаги электрон дўкон орқали амалга оширилганлиги сабабли, Ахборот-коммуникация технологияларини ривожлантириш жамғармасида контрагентларни текширишга оид йўриқноманинг 7-бандига асосан контрагентлар текширилмаган.

Ишга номзодларни текшириш

Жамғармага ҳисобот даврида икки нафар ходим ишга қабул қилиниб, номзодлар белгиланган тартибда ўрганишдан ўтказилган ва ижобий хулоса берилган. Шунингдек, номзодлар томонидан манфаатлар тўқнашуви бўйича декларация топширилган.

V. Таълим ва коммуникация

Жамғармада доимий равишда Жамғарма ходимларининг қонунчилик ҳужжатларининг мазмун моҳиятини тушунтириш бўйича тарғибот тадбирлари ўтказилиб келинади.

Барча ходимларга Ўзбекистон Республикаси Миллий қонунчилик базасидан онлайн тарзда фойдаланиш имконияти яратилган.

Ходимлар Адлия вазирлигининг телеграм ижтимоий тармоғидаги “Ҳуқуқий ахборот” каналига аъзо бўлиши таъминланган.

Шунингдек, Рақамли технологияларни ривожлантириш вазирлиги томонидан 2023 йил 29 ноябрь ва 26 декабрь кунлари ташкил этилган ўқишда Жамғарма ходимлари иштирок этди.

VI. Коррупциявий хатти-харакатлар ва ҳуқуқбузарликлар тўғрисидаги хабарлар

Ҳисобот даврида ходимларнинг коррупциявий хатти-харакатлари, манфаатлар тўқнашуви, коррупцияга қарши бошқа қонунбузарликлар билан боғлиқ масалалар тўғрисида алоқа каналлари орқали хабарлар келиб тушмаган.

VII. Мониторинг ва назорат

Ходимларнинг коррупцияга қарши асосий талаблар ва тартиб-таомиллардан хабардорлиги юзасидан якуний мониторинг натижалари ҳамда ушбу талаблар ва тартиб-таомилларга риоя этилиши устидан назорат тадбирлари ўтказилган.

2023 йилда икки марта сменар ташкил этилиб, унда барча ходимлар қатнашган, Жамғарманинг барча ходимлари коррупцияга қарши сиёсат билан танишган. Танлов асосида сўралган 4 нафар ходим ушбу сиёсатдан хабардорлиги аниқланди.

VIII. Аниқланган қоидабузарликлар ва уларга таъсир чоралари

Қоида бузарликлар аниқланмаган ва хабарлар келиб тушмаган.

IX. Хулосалар

Жамғармада коррупцияга қарши курашиш тизими ташкил этилиб, фаолияти йўлга қўйилган. Ҳуқуқий асослари яратилган. Бугунги кунга қадар Жамғармада коррупцион ҳолатларга, манфаатлар тўқнашувларига йўл қўйилмаган.

X. Коррупцияга қарши кураш тизимини янада ривожлантириш бўйича таклифлар ва тадбирлар режаси

Кейинги ҳисобот даврида мониторинг ва назорат тадбирларини ўтказиш, Жамғарма тизимини янада рақамлаштириш, тарғибот тадбирларини янада ривожлантириш, коррупцияга қарши курашишга оид ҳужжатларни Жамғарма расмий веб-сайтига жойлаб бориш таклиф этилади.

Коррупцияга қарши
ички назорат тузилмаси раҳбари



[Signature]
С.Худайназаров